

علوم غزته سي

العدد - ٧

۲۰ رحمت الرحمت

۱۵۸۶

حجة الاسلامك خواصه دائر خواص القرآن در منظوم
 سر مکتوبم کبی کتابدینی دخی نقل ایدر فقط بوراده
 قید اولیادک

خاتمه

بوراده حجة الاسلام ترجمه حال و علمه ختام ویرمک اوزره
 احیاء العلومدن شوقیه حق بندی یانالم بوبندک بمبهمه
 مناسبتی یوقسه ده زمانه مکتبه خواج لرینه نصایحی جامع
 برلندیغندن علوم غزوة سنه جزئی مناسبتی واردر

من الاحیاء

علم خصیصینه انسانک احوالی مال قرانان تجاره بکرز
 شویله که تاجرک برنجی حالی استفاده در که کسب ایدر
 ایکنجی حالی کسب ایتدیکینی جمع دادخار در که بونکله غیره
 احتیاجدن قورتیلاجقدر ارینجی حالی نفسنه صرف وانفا^{قدر}
 که امکلریله انتفاع ایده جکدر در دنجی حالی غیریلره
 بذل واحساندر که بونکله سخن اوله حق

اشته علمم دخی بوکبی درکه ابتداء مال تزانور کی کسب اولوز
 صکره خواجهیه احتیاجدن وارسته اولجق درجه ده ملکه
 ادخار اولوز بعده استبصارکه محصولی تفکر وانکله
 تمتع ایدیور نهایت تبصیرکه غیریلره تعلیم و تدریسه
 قالدیشیور . بریده اوقیوب جمع واجراء دن صکره
 تعلیم ایله اشتغال ایده جک آدم بر امر عظیم و خطر جیم
 بیوندیریغنه گیره جکندن آرتق آداب و وظائفنه کوزنجبه
 کوزتسون . برنجی وظیفهس شاکردارینه شفقت
 و مرحمت و آنری اولادی مقامنده طومقدر خیر المعلمین
علیه الصلاة والسلام بیورمشدرکه انما انا لکم مثل الوالد
 لولده " یینه بن سزه فقط بابا کییم
 شاکرد حقنده علیجه لازم کلان نصیحت و ارشاده دائر
 هیچ برشی ترک ایتملی شویکه پک اچیق شیر اوکوزوب
 المال ایتمزدن اقدم خفی و دقیق شیرله مشغول اولمقدت
 و استحقاقک فرزند کی مرتبه یه تصدی دن منع ایتملی
 اشبور وظیفه صناعت تعلیمک دقا لقتنددر . شاکردارینه
 سور اخلاقدن منع ایتملی فقط بر منع ایچون ایکی شرط

دار بری ممکن مرتبه تقریض طریقہ اولوب قطعا تصریح
 ارلامالی ایکنجیسی کمال مرحمتہ اولوب توبیح و تکدیر طریقہ
 ایتملی . اگر علم معین خواجہ سی ایسه کندیک تعلیم
 ایتدیک علمک اوتہ سنده بولنان بر علمی شاکرده تقبیح
 ایلمهای آنجق دیر علوم و فنونی دخی تحصیل طریقنی
 شاکردانه توسیع اید یویرملی
 و اگر علوم متعدده تعلیمه متکفل خواجہ ایسه شاکردک
 ذهنه کوره درجه درجه ترقی ایتدیره چک تدریجه رعایت
 ایتملی . شاکردک آکلایه بیه چکی مقدار شی او قودوب
 عقلی ایرمیه چکی شی القاء ایتمهای درک بویده القاء دن
 شاکردک طبیعی نفرت ایدر یا خود ذهنی طیقانور
 طالبک ذهنه لایق و آچیق اولان لقردی بی سویلیوب
 بونک اوتہ یاننده دها دقائق وارکی لافر سویلمیه چوتکه
 بوصورته شاکرد بلله دیکلی آچیق مسله دن فتور کتیرر
 همده ذهنی قاریشور بونکله برابر خواجہ نه بجنیل کی
 برسودظن ایدر کند یسنک عقلی ایرمیه چکی دشونمز
 هرکس عقلنی بکنوب کند یسنی هپ دقا نقه اهل وارباب ^{زعما} ایدر

المی آخره . (انتہی ملخصاً)

اشته امامک افادہ سی بخیر بودرجه آچیق و حکیمانہ در
* رحمة الله تعالى عليه رحمة واسعة و نور مرقده *

شو یازنیان بنددن سن و تحصیل کوره مکتبر و مکتبره کور
درجه درجه درسر انشاسی و ترتیبی و بودرجات اوزر
اهلیتی و تربیعی خواجہ لر تدارکی نہ مرتبہ ده لازم
و واجب اولدیفی مستبان اولور

م